

福建通志

山經

第十一冊

福建山經卷二十五

汀州府

長河縣

卧龍山在府治後臨汀志云山脈分支於贛之寧都虎頭山直渡橫溪屹然平田中一山盤踞不與羣阜屬如龍卧狀實州治王山也登山椒洞見井邑他山皆拱揖俯伏其下舊經云亦名無境山元一統志云山象蜿蜒有龍之象城內東山爲龍首橫岡爲龍脊西峯爲龍尾州治實占龍腹閩書云環城四面平田就中單椒突峙高可數十丈廣可五七里北面峭壁矗起其南派爲九支形如九龍又名九龍山其旁有山曰蓮花曰筆山有嶺曰橫岡在府縣儒學後名勝志云山之左支爲橫岡右支爲西峰俯臨津門

東山臨汀志云在城內正東上有鄴江臺道光志云又名龍首山

西峯閩書云上有羅漢院形如燕窠法林院有袈裟泉舊云院僧講經見

忽外有白龍以袈裟覆之及旦袈裟入石裂而爲泉形如袈裟

仙隱洞臨汀志云在雲巖閣下石徑沿溪欹崎深窈外有兩石挾一小石天然成門內頓寬博嘉定間郡守趙崇模開闢以發天祕荆溪堂及數小亭其間名勝志云上接卧龍山下瞰龍潭門左一石高廣丈餘不麗于土小石撐柱名飛來石

飛來石八閩志云在雲巖閣之西相傳一夕隨雷雨而至

金乳泉輿地紀勝云乃定光佛卓錫處臨汀志云在汀州宅堂東卧龍書院之右紹興間郡守張憲武字演翁擬小亭覆之扁曰演翁泉

雞籠山在縣北五十里臨汀志云舊經云高十五里九域志載爲本郡富國先生王中正成道之所道光志云雞籠山天華山爲縣治有護

翠峰山距城東北四十里臨汀志云壁立千仞紺碧可愛八閩志云在歸陽里其上煙雲出沒惟天色晴霽卓午方見其頂

蒼玉洞臨汀志云在縣東三里東禪寺前道旁兩石對峙如門中聞玲瓏

岌業奇怪萬狀不減靈隱天竺石有數名曰石門煙巖仙掌鶴巢抱雲
二老獅子馬鞍之類名勝篇章最多舊東莊潭沿其旁後湮塞遠徙教
場後矣元一統志云蔣之奇將漕福建日來游有詩云在寧化縣北五
十里洞前崇岡疊巘森列左右小澗橫絕煙雲縹緲

馬鞍山在城東五里八閩志云以形似名

東莊嶺臨汀志云在縣東五里有民田千頃關書云又有東莊潭

二老峰八閩志云在縣東五里雙石塔峭立如人形故名道光志云少南
爲佛嶺

通濟巖輿地紀勝云在縣東十里大觀中僧惟秀所開臨汀志云惟秀奉
伏虎香火於其間又云佛嶺在縣東南五里乃鄧長史跌視之處八閩
志則云佛嶺今名通濟巖石壁間有佛菴宋長史鄧曾建又另出通濟
巖云祀伏虎禪師而閩書云佛嶺上有通濟巖是一而二二而一矣

蓮花山在縣東十里臨汀志云以形得名

福壽山經長汀

筆山在縣東十五里八閩志云在歸陽里大明一統志作筆架山

构木嶺臨汀志云在縣東二十里道光志云百里虎忙嶺又廿里石岡山大息嶺臨汀志云在縣東五十里八閩志云在歸陽里

佛祖峯閩書云在郡西土名九際轉北二里許樹木陰翳石徑崎嶇展旗山臨汀志云在縣西七里八閩志云以形似名

白頭嶺臨汀志云在縣西二十里舊經云常有白雲籠其顛故名

瀨溪障山臨汀志云在縣西三十里道光志云西爲觀音山

新路嶺臨汀志云在縣西六十里抵瑞金界乃汀贛分界之所嘉定閩郡守鄒飛熊修隘以備贛寇名羅坑隘八閩志云峭險壁立砂礫崎嶇行者病焉此天所以限閩中也閩書云路一作樂貢水出焉

拜相山在縣東南二里臨汀志云俯挹卧龍山如人拜狀故名白鶴仙云譚子岡頭拜相山是也名勝志云與南山相聯

霹靂巖臨汀志云在拜相山隈元一統志云宋元祐初白晝迅雷一聲巖

寶劃開中有丹竈

湘溪嶺臨汀志云在縣東南三十五里

流源大嶺臨汀志云在縣東南四十里

玉泉輿地紀勝云在縣東南流爲瀑布

歸嶺臨汀志云在縣東南五十里八閩志云路通連城縣

獅子巖輿地紀勝云在縣東南五十里臨汀志云在縣東南九十里雙石

爲門定光佛常振錫於此八閩志云在青巖里

雙峯輿地紀勝云在縣東南二百里峯巒雙聳下出七寶而臨汀志於七寶山下云在縣東南二百里舊出七寶故名當係一山而八閩志兩出之

南山輿地紀勝云屹然如屏其下坦如青葱可愛臨汀志云在縣南三里山脈白石含分支由湘洪峽過雞籠嶂厯高坑起鸚鵡又里許秀峙爲南山寶州治朝山也名勝志云其顛爲平斗巖緣石捫蘿而上俯視城

市

圓珠山臨汀志云在縣正南三里白鶴仙云二龍爭珠是也今爲六祖道場元一統志云一名龍珠山形如圓珠八閩志云俗呼寶珠峰

宣巖臨汀志云在縣南五里崇觀閒宣明隱居之地

石燕巖輿地紀勝云在城南七里昔有飛燕頰頰偶遇驟雨燕集石上雨止視之皆化爲石

玉女山輿地紀勝云在縣南十五里乃王氏女修真之所臨汀志云四時花草不絕月明籟寂隱有音樂聲郡志云高插青雲八閩志云在古貴里道光志云又十五里爲九里嶺

白葉嶺臨汀志云在縣南十五里上有白鶴庵

雲谷臨汀志云在駐劄寨中南山之趾

朝斗巖臨汀志云在縣南山峻緣石捫蘿而上俯視城市閩部疏云汀郡小巖可遊者霹靂巖朝斗巖皆玉峽是宗子相徐子與故宦道處題詠

頗多朝斗巖差遠而幽餘皆近城

聚木嶺臨汀志云在縣南二十里

分水嶺臨汀志云在縣南五十里八閩志云在成上里

赤坑障山臨汀志云在縣南五十里

蓑荷嶺輿地紀勝云在縣南地產蓑荷見九域志臨汀志云在縣南百餘里

桑嶺臨汀志云在縣南百五十里

靈蛇山寰宇記云在州南三百八十里臨汀志作百八十里云山舊多蛇戒院嶺在縣東南三里閩書云土中有珠牧兒鋤地得之見風則碎亦名眞珠嶺

太平嶺在縣東南百里道光志云頂設重門額曰太平古隘又二十里爲八仙巖又二十里爲雲山巖

黃公嶺在縣西南百二十里道光志云接武平界路通江粵爲咽喉要地

富里山經長汀

前文一
碧雲洞閩書云洞石朗潤不讓太湖

牛嶺閩書云在縣西二十里是江西瑞金道也

石榴花嶼道光志云西距城四十五里五十里有朱紫嶼

大悲山距大息嶺十里道光志云又北爲黃竹嶺達於江西

天井山道光志云卽長嶺嶼在縣西北二十里又十里有溜嶼山路通瑞

金貢水出焉又二十里爲雞冠嶼

寧化縣

翠華山在縣北二里八閩志云在在城里山色蒼翠爲邑人遊覽之所閩書云縣王山也道光志云分支於附郭者東爲珠估山亦爲黃連岡唐時置治於此

登高山八閩志云在在城里重九日邑人多載酒登高于此道光志云翠華山分支城內爲左肩一名馬山其下爲登高嶺龍山爲右肩

牛頭山距翠華山十里八閩志云在縣西北興善里閩書云峯頭峭拔爲

一郡勝

寶山臨汀志云在縣北四十里八閩志云舊傳有五色石璀璨如寶故名其石惟剛或磨以爲珠不堪用

伍家筆山閩書云尖聳如筆世族伍姓者居山下遂名伍家筆筆架山道光志云三峰斜列前有望仙臺右有香爐砦金斗峰陶峰八閩志云四面壁立舊傳有陶姓結茅其上

牙梳山八閩志云以形似名在招得里閩書云險峻扼塞嘯聚所憑道光志云其山大巖凡數十面嚮本邑者其一面也相近者有朝天砦高百仞

鳳凰山在縣北五十里八閩志云崇岡峻隴蜿蜒起伏在龍上下里明邑人張震讀書其下官至太原守

靈隱洞輿地紀勝云在縣北五十里洞前重岡疊巘森列左右小澗橫絕煙雲縹緲臨汀志云舊號洞源巖羣石詭異若窗若龕若設筵席若列

鐘磬表有窪樽若盆若盂

翠峰在縣北六十里臨汀志作危石云突然一峰四壁斗絕人跡不能到

紹興間僧祖月名曰翠峰

紫雲山在翠峰北閩書作紫氣山云通邵武界

苦竹嶺在縣北永豐里臨汀志云在縣北五十里八閩志云以所產名其嶺甚高

神王嶺在永豐里臨汀志云在縣北七十里八閩志云上有神王廟

金船嶺在永豐里臨汀志云在縣北三十里長老相傳舊有金船夜光鄉人求之弗得

南橋嶺在永豐里臨汀志云在縣北九十里八閩志云嶺勢高拱如橋

寶螺山在縣東北四十里道光志云邑之左護也無濟障在其南仙人峯在其北旁有寶明峯

城門障在寶螺山東北八閩志云在泉上里山勢卓立如屏障元季寇亂

邑民多避兵於此

瑞花巖臨汀志云在靈隱洞東北十里旁有僧舍謂之下巖

威膽山距城東北七十里閩書云有石傑出名寶池石

羅平山在縣東北泉上里八閩志云舊相傳羅平者隱居於此

西巖在鳳凰山迤東二里臨汀志云在縣東北五十里由林田寺南行五里許渡小澗登石梯循羊腸而上一門呀豁石龍當戶旁有小穴外險中廣若龍之勢又有石筍屹立如晨門石乳下垂俯暎筍末有泉涓涓自乳而筍無毫髮差由門而入空洞如砥可坐千人中有數石室其一若僧龕置觀音像謂之寶陀石其一如方丈初入黢闇坐久忽明又其一曰乳穴非烈焰不可入中橫石案旁有泉一泓其音琮琤鄉人禱旱取水於是出巖卽雨謂之聖水又其一匍匐乃入一小穴其間寬明丹竈儼然謂之丹室其旁有龍井嘗有人以繩墜石下闚其深叵測又其一如掌輿冷氣逼人不容久佇道光志云今名天窗巖

東巖臨汀志云在西巖之側其窈窕空濶梯懸磴躋之狀不減西巖中亦有數石室始入隱隱有像諦視無有謂之僊影洞旁有碧蓮數朶大如車輪垂於高蓋之上左有石龕置經其中謂之經龕旁有石如玉壺高可二丈泉湧壺口循壺而流皆成鐘乳下有老田五六區上有響石撞之如鐘西有石柱高峙如青琅玕其南有水自石中出潄潄迅急復入於石竟不知所之又南最高處有石鶴若奮翼而飛旁亦有丹室道光志云其南麓有泉自石出漑田千頃名萬斛泉又南里許為石巖巖上覆一石縱廣三丈坦平如几東數里為倒蟠洞又數里有星巖巖介立平地抵麓穿石腹而過緣磴及巔有東西石室有龍嶽巖巖廣可容數百人石勢險激皆作蛟舞龍蟠鬼搏濤奔之狀外洞已窮旁穴窈然洞壁如峽僅可通臂忽復聳豁引火上燭冰雪燦然皆鐘乳也又行峽中倏復聳豁如是者三有瑞華巖左右古木千章皆千年物洞口二石並蹲如司閭者偃伏而入曠然軒豁前立石柱巖前多奇花歲稔則產花

尤異故曰瑞華去瑞華三四里爲圃玃巖舊名普光以其環山若圃萬石皆玉取義於瑤之圃易以今名名勝志作朝光巖玲瓏曲折石壁雄峙前有石臺臺上有精舍號爲石巢迤東爲石上巖有石巖當道又數十武有僧舍銜石隙中舍前小溪潺湲流碧左有石峽冷風颯然右循石徑曲折而上爲蒼龍洞高廣尋丈頂如覆釜

黃連洞臨汀志云在縣東五里地多產黃連故名舊縣名取此閩書作連城洞道光志云爲治左襟西曰西山爲治右襟

龍鬚山在縣東招得里距城百二十里八閩志云草生巖石如龍鬚然燕子巖蕪峽巖道光志云招賢里

彌勒巖閩書云高峻玲瓏窟中多巢鳥雀巖下空洞如一石室前有彌勒佛殿道光志云彌勒巖吐地巖招得里

墨瓦山在縣東五里道光志云方正如屏其支爲天寶峰又東爲烏石峯爲邑左障又東爲三層砦爲九龍砦高千仞四壁巖然僅通一路其旁

爲屏山爲凌雲峰亦名人和砦最爲峻峙曰東山爲邑水口鎮曰蓮花
纂曰南砦曰紫雲砦曰觀亭砦皆聯絡相望

鐵石山寰宇記云在縣東一百五十里道光志云與清流界

西華山在縣西北道光志云一名白水頂高峰拂雲爲邑諸山之祖左出
爲三仙峰右爲香爐峰又數里爲獅子峰迤邐而下又爲雙髻峰其距
城四十里曰塹頭六十里曰站嶺皆險要地又西北去縣百里曰車頭
嶺巖塘嶺路通江西

五雲山在縣西四里道光志云又西曰木奇峰爲邑右障又西距城五十
里曰金錢峽路通清流

狐栖嶺八閩志云在縣治西龍上下里其狀如屏相傳有白狐栖於此

石螺山在縣東南十里道光志云其外曰紫華山聳卓爲一方之冠旁有
石灰巖

凌雲峰閩書云峰高拂雲中有深名龍潭

蘿山在縣西南

閩書作蘿山

道光志云延袤百里高二十里山頂有石大數十

圍頂平如碁局其脈正出爲邑山之幹右出爲賴畚嶺

旗山嶼在縣南五里道光志云端植如圭爲邑朝山相近爲金山

五靈山在縣南八閩志云卽五家山嘗產靈芝五莖聞于朝勅改今名

書云本名伍家山道光志云又爲金雞山又爲羅家山相近者曰曹家

山曰潭飛磔重岡複嶺環布森列磔居其中坦然而平山環水合有田

有池

南山在縣南十里臨汀志云高百餘仞八閩志云在興善里其山中起一

峯如筆架爲一邑之望流水一帶環繞其下

鷺峰八閩志云在縣南新村里閩書云前有泉曰甘泉道光志云又南爲

石砦峰芙蓉峰有嶺曰竹篙嶺峻道斗絕

獅子嶺臨汀志云在縣南三十里有石類獅子狀

龍池巖臨汀志云在縣南四十里舊經云昔有龍蟠于此

高基山堅寧化

羅漢嶺臨汀志云在縣南五十里入閩志云在新村里

杉嶺黃柏嶺道光志云路通清流

烏路峽入閩志云在縣南新村里兩岸壁立水勢縈迴深不可測

平原山閩書云山有龜峯獅石之勝側有弔軍嶺